



Government officials will never ask you to transfer money or disclose bank log-in details over a phone call.
Call the 24/7 ScamShield Helpline at 1799 if you are unsure if something is a scam.

Home > Newspaper Catalogue > Berita Harian > 1966 > October > 10 > Page 2 > PR Jenderam nafikan 2 ahli-nya yang masok UMNO tok...



PR Jenderam nafikan 2 ahli-nya yang masok UMNO tokoh2 penting

Berita Harian, 10 October 1966, Page 2

Share

Save Citation

<< Previous Article Next Article >>

PR Jenderam nafikan 2 ahli-nya yang masok UMNO tokoh2 penting

KUALA LUMPUR, Ahad.—Parti Rakyat ranting Jenderam hari ini menafikan bahawa dua orang masok UMNO hari Juma'at lalu itu anggota2 penting Partai Rakyat.

Mereka hanya anggota biasa yang tidak punya arti apa2 dalam politik. "Kami tidak terperanjat dengan hal yang berlaku itu," kata Inche B. Buyong, Ketua Partai Rakyat ranting Jenderam hari ini.

Dua orang anggota penting Partai Rakyat ranting Jenderam di-beritakan telah mendaftarkan diri menjadi ahli UMNO di-hadapan Raja Nong Chik bin Raja Ishak hari Juma'at lalu.

Mereka ia-lah Inche Hamid bin Said, ketua satu dan Inche Buyong bin Saad bendahari.

Tidak memileh...

Ketua Partai Rakyat ranting Jenderam sa-waktu menghubungi Berita Harian hari ini berkata," Partai Rakyat ranting Jenderam tidak pernah memilih atau melantek Sdr. Hamid bin Said menjadi Ketua di-ranting ini."

"Kalau UMNO chawangan Jenderam mengatakan Sdr. Hamid ada-lah Ketua Ranting, jelas-lah sekarang

UMNO buta mata hati-nya dalam mengikuti gerakan partai2 lain," kata-nya.

Sementara Sdr. Buyong Saad, chuma dudok sa-laku anggota pembantu umum sahaja "bukan Bendahari saperti yang di-da'awa oleh mereka," kata-nya.

Beliau menyatakan, kedua2 orang ini akan di-siasat dan kalau benar2 mereka sudah sah menjadi anggota UMNO. "kami akan mengambil tindakan disiplin terhadap mereka."

Akan bersidang

Dewan Harian Partai Rakyat akan bersidang yang memungkinkan kedua2 orang itu akan di-pechat terus dari Partai dan di-umumkan ka-luar dari organisasi partai kata-nya.

Beliau menyatakan bahawa anggota2 partai yang mempunyai keyakinan dan kesederan tidak akan bagitu mudah dapat di-pujok dengan sa-chawan kopi atau sa-batang rokok.

Kata-nya lagi, Partai Rakyat dalam menchari anggota tidak pernah mempergunakan gula2 atau pujokan saperti yang di-buat oleh UMNO.

Beliau mengejek2 UMNO yang kata-nya hanya berjaya menarek orang2 yang tidak ada sikap dan pendirian saperti dua orang anggota-nya itu-lah sahaja yang dapat di-pujok "untuk di-jadikan alat sa-mata2"

